



先秦 — 清末民初

中國野史集成·續編編委會
四川大學圖書館
編

中國野史集成

續編

錢謙題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

17

巴蜀書社·中國·成都

目 錄 (第十七册)

從亡隨筆	一	倭患考原	七七九
遜國記	一六	遼邸記聞	七九六
拊膝錄	一九	西南紀事	七九八
建文帝後紀	三九	江陵紀事	八二五
黃陳冤報錄	五一	甲乙剩言	八二七
擁絮迂談	五五	召對錄	八三六
平蠻錄	六三	挺擊始末	八四四
朝鮮紀事	七一	閑思往事	八五四
秘 錄	七七		
制府雜錄	七九		
兩朝憲章錄	八四		
世廟識餘錄	三三一		
嘉靖大政類編	五三二		
雲中事記	六四二		
雲中紀變	六四六		
北虜紀略	六五七		
交黎剿平事略	六五九		
西征記	七七五		

從亡隨筆

從亡隨筆敘

從亡二十二人惟程編修與能賢朝夕隨侍始終周旋所記歲月往返歷歷在目與致身拊膝二錄間有矛盾而要之不離隨筆者近是故紀中多取準焉乃余竊有大疑自古受命帝王或階侯封或起徒步獨我

高皇以皇覺爲初因陵碑中親自道破而奉先殿所藏遺篋牒具有焉若於再世有密印者

趨園叢書從亡隨筆序

斯已不可測識矣

讓皇出亡初苦病足乃自吳而楚而蜀而滇重趼萬里似行脚漢密著空山乞食咬菜似苦行僧著楞嚴疏作大士領參悟又似老耆宿祖孫始末何相符也豈

高皇以古佛現身聖王而

讓皇又自王宮皈依雪嶺耶但文和尚臘已踰蒼迫欲東歸四十季前習氣似猶未盡命機

不斷流轉何窮或再來享人之奉亦未可知試拂策而問編修恐不能復置一語矣
崇禎甲申秋八月魏塘錢士升識於小山叢桂別業

魏塘地書卷之四

二

從亡隨筆 壬午迄庚申共三十九年

朝邑程濟著

魏塘錢士升訂

○建文四年壬午六月十二日燕師迫金川門上
愴惶無措都督徐增壽請 上面縛開門出降御
史魏冕大理寺丞郝瑄嚴之御史曾鳳韶翰林史
僧彬等書張統侍郎廖平大理寺少卿胡閔力請
加誅 上拔劍手刃壽于左順門群臣復勸上誅
李景隆 上遣使召之未至而金川門已獻矣

魏塘地書卷之四

一

臣逆知有今日也為今之計莫若出亡 上曰敵
勢正熾兵且四集如何出城何處可棲身朕且病
足不能行奈何濟曰臣素習遁甲法今出南方可
免 上曰然太監王鈇曰即出亦懼人認得奉先
殿有

太祖遺一諭臨大難發之群臣齊言速取來須臾昇
一紅匣至四圍固以鐵閉以二鎖鎖以鑄鐵灌堅
不得啓群臣無計濟以足碎匣底視之皆光緒之
具得度牒三紙袈裟剃刀俱備白金十錠 上曰

數也因大慟群臣亦哭侍郎廖平進曰功莫大於存嗣臣請保太子。上急命太子出拜平亦拜。乃冠太子以宦官帽潛出。上命舉火焚宮群臣大慟皆願從。程濟曰人多不可且不必多因爲上祝髮命取筆來顧濟曰朕仍以文爲名乃書牒名應文吳王教授楊應能御史葉希賢皆曰臣願落髮以從因書應能曰應能賢曰應賢濟袖出道人巾易冠之。上與能賢皆披緇群臣哭仆於地。上曰爾等各有身家宜自爲計尚書張統御史曾鳳韶哭曰臣頃卽以死報陛下。上以手麾衆引去因與程濟梁良用潛出西華門時燕兵巷戰金川遊兵攻朝陽門以故。上得從西華門出也。上不能行濟曰事急矣。迺扶上沿河而走見一舸橫岸濟曰有舟無人駕奈何。中書梁良用曰臣可乃翊上登舟鼓楫順流而去。申刻抵南門濟曰此去是三山門有兵不可去。乃舍舟而塗良用哭曰臣從此別矣。赴水死。土掩面泣。濟扶上至聚寶門門軍止。上濟曰吾等異鄉僧道恐死亂軍耳。乃得

遊園逸事八 從亡微筆

二

出會日暮無可棲濟曰此東去乃郊壇有神樂觀道士王昇與臣有舊蓋往救。上曰恐洩濟曰此人素忠義皇上會錫名者。緩步乘月而行更盡達。視王昇出迎入軒中坐頃昇進素食。上悲咽不能食是夕不寐。十四日晨楊應能葉希賢金焦吳成學趙天泰蔡運梁中節梁良玉梁田王宋和郭節馮灌王資平景先劉仲史仲彬鄭洽王之臣直太監周恕何洲亦至環坐咸皆泣。上曰此後止以師弟稱勿拘禮數群臣泣諾。因議所往。師曰西平侯處何如。濟曰勢耳。新王不能忘情能免其不告耶。不若往來各勝。東西南北皆吾家也。弟子中家給者不妨駐錫。師曰良是。濟復曰人多不便同行於是議以楊應能葉希賢稱比丘。程濟稱道人。朝夕同伴往來通音信。給衣食者吳成學蔡運馮灌趙天泰梁田王吏仲彬。復舉可以駐錫。廖平鄭洽王之臣三家。師曰此郊壇之處可暫不可久。鄭洽曰我族皆尚義可居。可先弟子家。師點首而已。師曰吾足痛不可忍。蓋昨行急浮腫耳。濟扶師

遊園逸事八 從亡微筆

三

出。正謀所以載師。忽遇一人於道。史視之。乃僕也。訊其故。蓋遣來偵彬吉凶者。且云有舟河側。眾喜彬曰。且至彬家。於是扶師登舟同行。惟楊葉鄭史程餘俱散去。期以半月會彬家。十五日師云。今日十五。喫他一日齋。因及皇祖妣宮中齋佛事。泣數行下。十六日次丹陽。時道多援兵。往往掠奪。師顧左右。嗟嘆良久。十九日抵吳江。史彬迎師入家。出衆羅拜。夜宿清遠軒。二十日移居觀音閣。師病。漉思食火肉。不肯道。史覓之以進。師喜曰。此物奚至。

通國遺書 八 從下 魏華

四

不遠。恐爲人踪跡。決意欲往。滇中。濟曰。滇南路遠。須俟師足全愈乃可。八月十一日。天色甚好。月見半規。師與濟坐月下。因問遁甲法。濟出肘後片木。向月指之。但見天黑如漆。師懼急命解去。十五日。吳江邑丞。鞏德至彬家。敦迫史彬救命。且謂史曰。聞帝在君家。彬曰。未也。微晒而去。十六日。師與濟希賢。應能別史。仲彬去。期來年春會于廖平家。時師足尚未全愈。又未帶冬衣。隨身僅葛衣數件而已。附舟至京。師謂濟曰。此去須過故都。奈何。濟曰。無妨。乃與師過揚州去。六合陸行。至裏陽。路之苦。不可勝言。且匆匆不暇筆記。惟記得九月九日。天氣微寒。晨風刮耳。師覺體寒。又不道與弟子且釋狀。又不便沽酒。顧謂弟子曰。今日九日。下夜宿草店中。盡出葛衣覆其上。一夜不寐。濟以手抱師足。師曰。吾記得昨夜九日。那邊正更得緊。夜不能睡。今日雖不得睡。似覺安穩。因復云。不要負此日也。我吟爾和如何。濟曰。唯師命。師曰。黃花滿地帶霜開。濟應能希賢各一句。詞。十五日。更。

通國遺書 八 從下 魏華

五

平家平時尚未達家。蓋懼踪跡耳。平家不知所以。不納。濟亦不敢陳說。因處師于大悲寺中。晝則乞食於道。夜則歸宿。十月盡。廖平始歸。濟遇之於途。因說師所在。相與共來見。廖平拜牀下。問安訖。師曰。日望爾歸。平日踪跡吾輩者多。是以不敢即還鄉里也。師因語及往事。弟子等皆不知說何語。次日平延師至家。見其子成勳。頃之師問曰。爾今名何。平代荅曰。未也。師曰。我爲僧。可命姓。曾名奎。平召奎拜師。錫姓。平出帛爲師製服。師曰。不可。豈有遊食僧衣帛者乎。易布爲之。自是師住平家。平以少司馬家居。恐爲人覺。乃送師西山中。得旬日。平一驚。亦至。平託師于景先。平亦避名地。平月平會師。師一日謂濟曰。余等食指且衆。況天氣又寒。爾等又不便鈔化。盡去之。時平家被人發其踪。全家遁去。故師以爲無依。決意往滇。因留牛景先於西山。師及濟賢能一行四人。往雲南。過四川。所謂善慶里者。道遇馮准。因問准居止。准言寄食邨中。因請師往。留三日而去。准亦請與俱。

遊蜀是書

八 從二遊事

六

○癸未春正月十三日到雲南。因投永嘉寺。王僧智空。款甚殷。師喜相與盤桓最久。師命濟教空易數。師遣馮准入襄陽。蓋憂廖平家也。師語准曰。明年余來遊天台。見諸弟子。語其勿來。況路途遙遠不便也。准隨入襄陽。見牛景先。知平家事已寢。史仲彬已先在數日矣。因往會平家。告以師語。南中地氣燥。能賢首病。師甚憂之。蓋自能賢病無托鉢者。濟侍蒲團。久之。南中無好醫。日惟吸米飲而已。蓋智空久解焉。夏六月馮准來。師喜甚。因備知諸弟子。俱至襄陽。又聞梁良玉身故。頽淚久之。師以詩哭焉。有云。子犯歸黃土。重耳未還時。秋入月。賢能病愈。思居蜀。師曰。再竹幾時。相共遊浙。定其所止。募建一菴。爲長久之計。濟時亦病。師坐濟傍。不刻離。濟曰。濟不死。濟何敢死。尋愈。師親爲煮糜。冬中二月。天氣亦不寒。師曰。地方甚好。此中無人可依。若一冷。則無牛製服矣。太息久之。

遊蜀是書

八 從二遊事

七

○甲申正月。師命濟收拾東行。十八日離雲南。智空送以布履各一。師命受之。二月至重慶。馮准欲留

師住蜀。蓋以前且曾寄食邨中之熟識也。淮往而
其家已不在矣。三月到襄陽。廖平時不在家。見牛
景先於西山。因知廖平先往浙矣。師乃駐錫焉。夏
五月。師遣牛景先入吳。約史仲彬。六月師出山入
吳。馮淮留八月八日。日下春。師與濟賢能到仲彬
家。門已閉。濟扣之。牛景先啓戶。見師入。告彬。出迎
上堂。急命秉燭。衆出拜。頃獻酒環坐而飲。彬留師
西偏。師曰。明晨遂行無煩也。彬問奚速。師曰。彼方
覓我而留我。昨道中遇一冠蓋者。睜目視余。此臣

遜國題書入 從下隨筆

九

余若認得今東南通臣汝亦不免。我去正爲爾也。
相與泣下。彬固留十日。因爲師并濟等製服。十日
師命弟子等作三班行。師及濟先往。賢能繼。牛史
又次。約會於杭。十五日諸弟子會於吳山。共遊湖
上。諸勝二十餘日。九月九日登高賦詩。罷而泣。
明日遂行。師及諸弟子至天台。忽遇蔡運。金焦尋
馮淮亦至。時運已祝髮。號稽山主人。馮淮稱寒翁。
師因問廖平。淮云未還。明日遇平。負薪於途。師因
稱曰。耶溪樵。平因以爲號云。師遊台蕩間。將四旬

焉。江南天氣乍寒。師思還雲南。固却諸弟子而去。
冬十一月四日離台州。

○乙酉春二月。至重慶。遇雪和尚。問其居。云此中杜
景賢。爲其葺一菴。在善慶里。師及諸弟子往焉。見
其菴。亦不甚大。臨江環竹。地甚幽。師喜留之。杜景
賢。向士也。觀其意。似知我輩行藏。時時送酒來。不
以釋行目我。然復戒雪菴。使誦大士經。蓋雪菴。每
出應付。惟誦易故也。師題其菴曰。觀音菴。云夏六
月。師病痢。雪和尚。以栢葉丸。進三服而愈。師喜。命

遜國題書入 從下隨筆

九

錄其方於菴壁。師一日命濟者往雲南。得乾之姬。
濟曰。如遇也。當遇知已。乾初又爲潛。恐有踪跡。我
輩者。三何。聞胡濂。鄭和入雲南。偵師。師因懼曰。若
是其奇乎。不復往。冬十一月。黃直至。留三日去。師
以胡鄭數來。雪貴。故不留直。時直老而貧。師憐其
老。出橐金與之。泣別而去。

○丙戌春三月。適有傳言。朝廷知師在。偵察嚴密。師
乃別雪和尚而去。夏四月。師往西平侯嚴家住旬
日。嚴震直忽至。拜師於下。師問若何來。得無邀我

乎震直曰。臣奉命交趾還。聞師在此。故請一覲。平師曰。爾已官新朝耶。幸好爲之。震直慙泣。拜辭師去。一夕。吞金死旅舍。師聞之。惻然自悔。復恐人覺。乃遁去。夏五月。結茆白龍山。能賢力也。師得以駐錫。六月。師復病痢。不得前。藥久不愈。濟以栢葉煮水進。不妨。時蓋畏人知。不得出山。以故糧米時乏。師憂之。而病不易愈耳。冬十月。師病愈。聞朝廷誅殺過多。復勸念方黃諸臣。而病至是。濟亦病。目。此際愁苦不可說也。十二月大雪。師命能賢等。拆朽

樓閣遺書八 從二隨筆

一

木以煖之。時濟病目方愈。師曰。恐爾熱病解。衣衣濟。不令近火。濟感泣。

○丁亥春正月。師命能賢濟。持應糧分路求乞。三月。師病愈。然癯瘦骨立。濟等莫不太息。秋七月。濟以乞食出。遇郭節。程亨。史仲彬。于招提之側。相與暗泣。不敢出聲。時三子來訪師。不遇。正惶惶。得濟導引。因乘月步至菴前。應能啓戶。三子入。拜師牀下。見師憔悴。皆環泣曰。師何至此病耶。師語以昨歲迄今。病未得愈。時方戒嚴。又未得出山之故。三子

各有所獻。師因問節。有子否。節對曰。無。問彬。彬曰。一子。年十六。始就外傳。師曰。欲仕乎。彬曰。不敢爲官。欲獻久之。因留節等。住山中數日。師以秋齋山明。攜諸弟子遊。以近及遠。日以爲常。八月。節亨辭師去。獨仲彬留伴焉。十二月。師齋祭死。難諸人。自爲文哭之。

○戊子春二月。仲彬辭歸。臨發。師謂曰。自後無煩往來。道途遙遠。且吾在此。亦甚安妥。再遲兩歲。俟禁稍寬。吾仍有台石之遊。言罷而泣。索筆書扇。贈彬。

逸國遺書八 從二隨筆

十二

自署名曰釋文。夏六月。菴災。時因亢旱。失防於廚。師及濟等。僅免難耳。天之厄人如是耶。秋七月。濟出山募葺。八月告成。蓋得其地。道者張靜之。九菴新成。比舊稍廣。四圍種以竹木。環翠如堵。師日坐其中。喜謂濟曰。吾將老是矣。命濟著之。得小過之旅。濟曰。此菴不久。將毀之旅之上九曰。易焚其巢。主人先笑。後號咷。師不悅。冬十二月。金焦雪。菴黃。直訪至。俱有獻於師。得濟佩。

○己丑春正月。師東行。留能賢守菴。濟及雪直。焦從

三月到善慶里。杜景賢已不在。而所建之觀音菴亦已毀矣。無以安擔。雪菴與濟力募。草創新之。師因草創。復欲去。夏五月到襄陽。而廖平家已徙蜀。知平久留會稽。師還滇。

○庚寅春三月。師至菴。謂濟曰。自後無他往也。蓋以從亡之人。大半星散。復聞廖平等。都已身故。師哀嘆累日。亦不復問往日事矣。

○辛卯春。有司遂毀菴。師先一日夢齒落。問濟。濟曰。恐有口舌。因出遊山南。暮歸。則菴已爲平地矣。師泣曰。今復何往。濟慰曰。且作行脚聽所之也。夏四月。師至浪穹。見其地深闕密林數里。山水環抱。濟曰。此地頗佳。因命能賢募建。數月菴成。菴之前立小門。環以松竹。敍刺爲垣。中建一佛堂。傍列茅舍三楹。堂後一室。寢處。右一室。爲濟居。茅舍後一室。爲能賢居。右建一堂。安往來諸弟子之處。後即香積供也。菴既成。師復命濟著之。得剝之坤。濟曰。剝盡而順爲吉卦也。然上六龍戰之詞。似帶凶徵。師復不悅。

遜園逸書入 從亡隨筆

三

○壬辰春三月。能以疾卒。師哀毀忘食。夏四月。賢又卒。師痛哭曰。從亡之人。二子朝夕未離。菴凡三建。皆出其力。與濟大慟。乃薄葬於茅舍之東偏。累二塚焉。一日。師謂濟曰。菴廣而人稀。不宜。因納一弟子。名應慧。慧卽滇之大理人。師以能賢既卒。朝夕憂思。竟成胃腕之疾。時或一發。痛不可忍。濟延醫治之不愈。冬十一月。馮淮黃直訪師至。泣拜牀下。師因問淮。何以知吾在此。淮以會直始知爲對。因問直近來何以爲生計。直對以補鍋鑊慶間。因復

問淮。淮對曰。訓家。師喜。語及楊葉。皆太息久之。留二子處西堂。

○癸巳春正月。淮直辭還。師謂曰。後無復來。蓋師憐其途遙耳。夏五月。師南行至甸。濟及慧從。六月。師還。納弟子應智。冬十月。鑄應明鐘。師自爲銘篆之。十二月。渡馬嶺遇寇。先是師以甸還。日思出遊。濟曰。時當戒嚴。不可出。恐人覺之。師曰。吾已爲僧十年矣。人能識我乎。不聽。因出。濟請從。不許。迺同慧智往渡馬嶺。遇寇。寇欲挾之去。會遇官軍。僅免。師

遜園逸書入 從亡隨筆

三

還謂濟曰。悔不聽爾。幾及於難。

○甲午春。師髮見二毛。謂濟曰。吾老矣。不知何日起脫耶。太息久之。夏四月。遣濟募糧。秋九月。師學易數旬日而悟。即知先後天之理。冬十月。慧卒。師解衣歛之。命附於楊葉塚次。十一月。師納弟子辨空。時菴僻處。命召緇流。故辨空投焉。

○乙未春三月。師設奠祭楊葉二和尚。師先一日夢能賢因慟覺。故有此舉。夏師出菴東下。途逢馬二子。老補銅。因問所從來。皆荅以訪師。師因止之。迺

遶園建書

從二隨筆

古

與師還。至其東家。數日。師辭去。秋八月。師及濟遊衡山。還訪塞翁。而塞翁已往滇矣。師乃還。一日投宿蕭寺。見東廡下二病者。視之。即淮直也。師命濟語儂。移於舍東。師泣曰。二子為我來也。因覓醫治之。此地偏寂無人烟。不得醫。數日。淮直竟死。師慟久。出囊金解衣歛之。即葬其寺之東偏。師親送之。立石題曰。嗚呼。兩忠臣之墓。冬十月。師還菴。十一月。立諸從亡死者之主於舍東。十二月。命濟出乞。○丙申春三月。師一日與濟夜坐。見一大星。光甚甚。

異。出紫微垣。貫昴宿而過。師曰。至何事。濟曰。至有兵加胡。繼而聞六師出塞。夏六月。師足疾發。蓋日山遊勞頓所致。濟乞藥於城西。三日乃返。師飲獲愈。自是相將嚙沫。而亡師弟尊卑禮也。冬十月。師命濟錄述從亡傳。藏之山巖中。師自為敘。今在大理府山中。即浪穹故址。

○丁酉春二月。師曰。此中久居。恐人覺之。欲別創一茅。所謂移家更上山也。因卜於鶴慶山中。建一小靜室。時往來其間。故世人不知師所在矣。夏六月

遶園建書

從二隨筆

五

十三日。夜月甚朗。師命濟從。徘徊林際久之。顧謂濟曰。追憶曠昔。在宮四年。何月無月日。以北兵而不能。少釋於懷。何似今夕。如是其閑。目前但少賢能。二子為可慨也。言罷太息。秋七月。雪和尚弟子空來投。因知雪菴已涅槃矣。師泣謂濟曰。今又少一駐錫所。因命立玉菴側。冬十一月。師還尋東行。先是傳言。胡深知師久在滇。事聞朝廷。因遣太監鄭和等。往覓西平侯家。并搜尋各處觀菴院。又命海舟下西洋。以訪張三丰為名。實為師也。於是

師有東行之役。一日濟隨師至衡山。謂濟曰。縉紳如是其密乎。因作詩以慨感。云。詩曰。我行至東山。深海窟。虎跡蛟蹤。我行至南。地炎河乾。猶猥巢環。我行至北。黑霧毒霧。燭龍沉色。我行至西。陰雨霏霏。弓矢野施。我懷我惶。何道可行。噫。何道可行。詩罷泣繼。

○戊戌春三月。師返至黔。夏五月。命濟圖。師作菜根歌。歌曰。菜色青兮。菜根辛兮。菜兮。菜兮。似余情兮。秋八月。師讀易。適至師卦。謂濟曰。師義云何。濟曰。

遜國逸書

天

貞吉否凶。師點首。濟問師曰。師復有玄解否。師曰。否。吾夜夢在軍中。一大當道。吾發矢斃之。復見一夫。在傍。啗吾服。驚覺。今適以師卦。命爾占耳。爾以貞否爲對。余思非吾儕家事也。服者身之章也。皮爲犬。今太歲在戌。或者吾殆乎。濟曰。服者有服。親身之謂。蓋濟之言。所以寬師懷抱耳。

○巳亥春。師命空智等。出丐於鄰邑。夏六月。師始觀佛書。師性敏慧。過目不忘。如楞嚴法華華嚴諸經。輒能背誦。各有註釋。署其名。必曰文和尚云。秋九

月。命濟輯會。送諸書。不果。先是師屢命占屢應。故有輯書之命。會濟病。不得侍筆視也。

○庚子春三月。命空等出山。夏六月。師命濟移居菴西偏。蓋以堂後。陰森無日色。不燥地濕耳。秋七月。仲彬訪師。至師問何以知吾所在。彬曰。先曾到白龍山。而不見。故徧尋諸郡。昨適遇了空。微了空。無以覲師。顏笑。因問空。何以識彬。空曰。前在雪師處見之。昨我認彼。彼不認我。師曰。佛氏所云。有緣也。因大笑。師出十八年。自未見師。笑今始見。喜色時。

遜國逸書

七

師體亦有肉。命彬宿榻側。彬問及楊葉師。太息曰。已入土矣。復命彬往。莫之。其夕。師及濟。彬臥語。至旦。八月。彬告還。師泣謂曰。從亡諸子。大半入鬼錄。惟子懷常。不我遐棄。吾已見一毛。壽未卜。其永短。欲續雁宕之遊。不知得否。彬亦泣曰。師必遐齡。命濟送彬三日而返。冬十月。師命濟從入蜀。徧遊諸勝。登峩嶓。有詩云。登高不耐東翹首。但見雲從故國飛之句。

○辛丑春二月。陰雨連旬。師命濟誅茅護楊葉之塚。

因著有愁霖賦。夏四月濟隨師入蜀。秋七月師入粵。遊海南諸勝。師一日謂濟曰。余欲從此入吳。又慮秋深冬迫。因還山。時道途亦稍寬禁。往來無阻。故師思遨遊焉。冬十一月師還菴。一日謂濟曰。人皆知吾為僧。吾今欲逃玄。如何。濟曰。甚是。因蓄髮。日讀太玄莊老。

○壬寅春師遣空智等。至霍慶山中靜室。蓋自以道不堪。與比丘涸跡耳。夏四月師避器於菴南四十里名淥泉。濟三日一往。冬十月師製冲和巾。自冠之。

遊園逸書入 從下隨筆

六

○癸卯春二月。師命濟從遊楚地諸勝。登章臺山。賦吊古詩。有楚歌趙舞。今何在。惟見寒鴉遶樹啼之句。夏六月師遊漢陽。登晴川樓。顧謂濟曰。陳思王有太息霧興。揮淚雨集。真絕妙寫心之句。因吟云。江波猶湧憾。林靄欲翻愁。秋七月師留大別山。蓋偶以足疾故也。日遊山中。竟至度歲。

○甲辰春二月。師謂濟曰。盡續天台之遊。因東下。秋九月。遇仲彬於溪。先是仲彬來訪師。投香逆旅。

仲彬時狀黃冠。逆旅主人語彬。內有道者。可偕行。彬入視之。得遇師。噫。此亦天緣奇觀也。拜師牀下。師曰。若何之。彬對以訪師而來。師喜甚。謂曰。今再遊天台。明日可俱東。因及洪熙改元。昨歲榆木川之役。師點首歎曰。亦有是乎。十月濟隨師至吳江。仲彬家信宿師行。彬送至杭。聞洪熙晏駕。師曰。我今心稍放下矣。十一月三日。師及濟至寧波。因思越海。六日渡蓮花洋。

遊園逸書入 從下隨筆

七

○乙巳春正月朔。謁大士於潮音洞。作大士頌。有以音觀音。音何所起。以觀觀觀。妙明無跡。時多師為智慧云。師登盤陀石。有敢言通帝座。天高聽亦卑之句。夏五月師始歸。竟自閩粵還山。冬十二月。命濟出丐。空智等亦來餽供。

○丙午春三月。師命濟往河南省。王資金焦等。夏六月。濟還自祥符。啓師資焦已故。師太息久之。秋八月。師祭從亡諸人於菴前。時師春秋五十矣。濟六十一矣。嘗謂濟曰。從亡諸子。或長吾。或少吾。今皆淪沒殆盡。所存者吾兩人耳。泣下沾襟。因有是奠。

九月十一日雷震菴百師座。師不懌曰：雷不聲，菴震余經座，必有咎焉。蓋為我耆龜。濟曰：唯唯得乾之夫上九辭曰：亢龍有悔，此菴其不久乎。

○丁未春正月，師命濟毀堂後舍，以封楊葉之塚。移居菴慶之靜室，命空智等主葺。夏四月，師疾彌月不愈。一夕夢金甲神授藥，明日師興，因誓韋陀，復視髮作比丘焉。秋八月，滇寇亂，師命濟從入蜀。師一日旅次，聞兩人說靖難時事，歷歷一人氣若不平。師暗謂濟曰：忠義固在人心耳。又述革除建

遜國逸書人從王隨筆

三

文年號。稱洪武三十五年之詔，一人曰：孫家祖號可乎？是死而生也。師暗謂濟曰：我生而死耳。又說到齊黃方胡輩死烈之慘，家屬被累之多。師暗謂濟曰：吾得罪於神明矣。此諸人皆為我也。因泣數行下。明日命濟往探之一空室耳。師遂行。冬十月，師宿永慶寺，題壁詩云：杖錫南遊歲月深，山雲水月傍閑陰。塵心銷盡無些子，不受人間物色侵。○戊申春，師聞史仲彬死，師泣謂濟曰：彼何人斯，而有此厄耶。因遣祭焉。夏五月，濟從師遊神女廟。

見壁間詩云：襄王此日知何處，空見朝雲暮雨時。題云有感而畧，名曰東海通臣。師揮淚命割去之。秋七月，遊黃牛磯。師咏詩云：嶺後夜泣湍波急，樹上霜紅含淚色。雲愁烟慘雨冥冥，野老吞聲談故國。冬十月，遊漢中，遇廖平弟廖年，因延師至家。出家人拜師，乃悉平逃死會稽，頃曾奎見時奎已三十，娶平妹三歲矣。師亦不復見往時態，但曰：他日無忘廖氏也。居數日，師固辭去。

遜國逸書人從王隨筆

三

○己酉春二月，師至成都，再宿而去。夏五月，還至浪穹，而菴已為寇焚毀矣。六月，到鶴慶山中，空智亦在。因悉菴災之故，師曰：無損二塚乎？曰：否。竟不及他。秋九月，師復畜髮。冬十月，濟病，師惶懼，日呼曰：能賢佑濟，能賢佑濟。濟感泣曰：濟若死，師可急往漢中，毋留此。

○庚戌春正月，濟病愈。南中地常溫，無雨雪。濟因是病，會大雪。濟啗雪而瘥。師有靈雪歌。夏四月，師欲廣其菴。濟空等因出募。秋七月，甫成。師顏其居潛志軒。有潛志軒詩。冬十月，師命立從亡諸人主井。

方黃等蓋先聞旅次人語故也。

○辛亥春二月師有陝西之行命濟從夏四月至延安徧遊諸勝秋七月東行至蜀秋九月至夔阻雪於途師囊乏無策蓋時師徒二人皆黃冠蜀重僧故竟無資助者一日忽遇一道者會黃銀法因得衣食焉訊其姓名不告但云隴西人

○壬子春正月入楚至公安宿蕭寺佛堂之頃一道者亦來止佛堂右與師不接一語坐頃復一道者來脫師而去至西偏見先來之道者因拊掌曰爾

遂國逸書 從二遊筆

三

在此遂共坐夜漏將三鼓但聞聲不知所說何事繼之泣濟晨起視之二人俱已去師悔未詢其故忽地有遺不全紙上書郭任梁中節云濟曰此亦遁世者師因作蕭寺黃冠夜泣詩壬子春正十二日寺遇黃冠不相識結蒲短杖坐西偏低頭不語意自閑二何一人復冠髻髮黃面緇多愁顏拊掌遽驚還歎息漏分但聞聲唧唧似懷萬斛愁難傾哀後夜叫寒鴉泣余腸縈結詎堪言布衾濕透皆淚痕晨興往探訊其苦兩公蹤跡雲無根空餘禪

斷字數圓依稀恍是亡臣名我欲把毫悉胸臆水凍筆花寫不得夏五月師至武昌登黃鶴樓仙棗亭有何年化鶴歸之句秋八月師舟下九江九月師遊吳山時濟請師至彬家師曰彬事既露遲明歲還訪其子可也冬十一月師遊天台留赤城觀

○癸丑春師在赤城秋九月大雨師有祝濟篇蓋有感而作多寓言也

○甲寅夏五月師命濟從入吳江訪史仲彬之子時史家事已大定其禁亦寬彬子屢婦適脫身得雄

遂國逸書 從二遊筆

三

師命名曰鑑留五日而去晨觀布衣十餘件六月入會稽秋八月還至夔宿安福寺冬十月還山濟請師遊廣西師曰俟明歲行濟蓋以住漢久雖常出遊而空智輩不無機洩

○乙卯春三月師往粵西濟從夏六月師中壽濟以金線丸解之師命鑄此方於石玉海子曰今猶存焉秋七月濟遇何洲於市問之蓋為書來此已數年矣因導見師痛泣良久時洲年七十餘洲見師亦老因勸師還江南師自此遂有江南之思冬

十二月何洲死

○丙辰春正統改元師聞之喜遂決意東下秋八月還至滇卜新築舊日之浪穹

○丁巳春二月師復祝髮時師欲東故祝髮避時忌也三月師命濟從入漢中夏五月師遊峩眉因避暑太白祠秋八月師命濟著得兌之歸妹濟曰兌金王之卦應時為宜而變為歸妹歸妹為六十四卦之終卦也上變而為震被內兌卦所尅且九五變為陰位不當也此占凶師曰我欲東歸若何濟

遜國逸書八 從下隨筆

言

曰歸妹女子之貞男子則否師不答九月師夢李太白贈衣問濟濟曰太白金星也此夢不為吉師曰太白仙去千餘年而以夢見我此明示我啓明也以衣贈我覆護我也曷不吉冬十一月還至浪穹

○戊午春二月師病尋愈夏四月師復病濟等憂之五月師少差遣空主潛志軒秋七月師欲粵西行不果時師病後濟勸乃止冬十一月智通師恐智露其踪遂有粵西之行濟從

○己未春正月師欲東命濟著得觀之否濟曰不宜還還必有咎易曰觀剛之光利用賓于王既吉矣不宜變否所謂否之匪人也中互見艮巽艮止而巽入止入之象大象皆艮艮為寺人當遇此兆因固勸師不可東夏四月濟勸師還滇不聽先是濟夢車斷轆雀化蛤濟以占不利而夢凶故勸師還浪穹也秋九月師謀結茆欲居粵濟曰此地多瘴不可居濟不過欲師還滇耳冬十月晦野鼠啣師足并啣手指

遜國逸書八 從下隨筆

言

○庚申春三月十三日師謂濟曰我決意東行于盡為我著得兌之歸妹濟拊几曰大凶師曰何凶濟曰此前所占卦同歸妹序卦之盡也而師今年適六十四三月為季土之月土為木尅木已將盡至夏火王則木洩氣水生火火生而木為灰火雖木之子子生而母死何取乎今太歲干支皆金火必尅之行夏之時其危乎夏四月師題寺壁詩有長樂宮中雲氣散朝元閣上雨聲愁之句時其寺有遊僧十餘人見其詩不知為師作也因冒云是彼